

Møteinnkalling

Utval: Fitjar sokneråd
Møtestad: Kyrkjestova
Dato: Torsdag 22.02.2024
Tid: Kl. 18.30 - 21.00
Ord for dagen: Svein Lunde

Forfall må meldast til kyrkjeverja: kyrkja@fitjar.kommune.no eller tlf. 913 47 802.

Lillianne Drønen Jæger møter som vara. Andre varamedlemer møter berre etter særskild innkalling.

Innkallinga er sendt til:

Svein Lunde	leiar
Anne Marie Røed	nestleiar
Tom Rydland	medlem
Anne Kristin Skår	medlem
Håkon Rydland Sæbø	medlem
Mette Elisabeth Lambach	medlem
Bård Inge Bø	medlem
Kari Raunholm	medlem
Olav J. Oma	sokneprest
Gisle Levåg	kommunal representant
Lillianne Drønen Jæger	1. vara

Fitjar, 16.02.2024

Svein Lunde
soknerådsleiar

Harald Rydland
kyrkjeverje

Sakliste:

SAK	ARKIVKODE	TITTEL	KOMMUNAL REPR.
2024/09	012.1	Godkjenning av innkalling og sakliste	X
2024/10	012.1	Godkjenning av referat frå soknerådsmøte 18.1.2024	X
2024/11		Orientering om arbeidet i soknet	X
2024/12		Plan for prosjekt på gravplassen	X
2024/13		Fullmakt til arbeidsutvalet	X
2024/14		Meldingar / open post	X
2024/15		Fitjar kyrkje si markering av kristenretten	

Sak 2024/09 012.1 Godkjenning av innkalling og sakliste

Framlegg til vedtak:

Innkalling og saklister er godkjent.

Sak 2024/10 012.1 Referat frå sist møte

Framlegg til vedtak:

Soknerådet stadfester referat frå møtet den 18.1.2024.

Sak 2024/11 Orientering om arbeidet i soknet

Soknepresten og kyrkjeverja legg fram ei kort orientering om arbeidet.

Framlegg til vedtak:

Soknerådet tek orienteringa til vitande.

Sak 2024/12 Plan for prosjekt på gravplassen

Dei siste åra har soknerådet hatt ei faggruppe der oppgåva har vore å arbeida med saker knytt til bygningane og gravplassen som soknet har ansvar for. Gjennom arbeidet sitt har dei peika på ulike tiltak som kan ivareta kapasitet og kvalitet på tenestene som kyrkja skal yta.

Det som hastar mest å få gjennomført, er ulike prosjekt på gravplassen. Dei tiltaka som må prioriterast høgast er desse:

- ✓ Tilrettelegging for nye kistegraver
- ✓ Etablering av minnelund for urnegraver
- ✓ Etablering av gravfelt for ulike trussamfunn

Det er utarbeida ein hovudplan som omtalar dei tre prosjekta, der det vert skrive om bakgrunnen for at dei bør gjennomførast. Vidare tek planen for seg målsetjing, organisering, gjennomføring, økonomi og andre forhold som gjeld arbeidet med prosjekta.

Kyrkjeverja ynskjer no at soknerådet tek stilling til hovudplanen og gjer vedtak som sikrar at me kan starta opp arbeidet med dei ulike prosjekta.

Planen er vedlagt innkallinga til møtet.

Framlegg til vedtak:

1. Soknerådet sluttar seg til det som kjem fram i hovudplanen for etablering av nye gravfelt og minnelund på Fitjar kyrkjegard
2. Styringsgruppa skal vera samansett slik det er føreslege i hovudplanen. Den får fullmakt til å arbeida vidare med dei tiltaka som er omtala i hovudplanen. Kyrkjeverja skal leia gruppa.
3. Styringsgruppa får fullmakt til å inngå avtale med ekstern rådgjevar som kan hjelpe til med prosjektering og rettleiing gjennom dei ulike fasane i prosjekta.
4. Til å dekkja kostnaden til rådgjevar og prosjektering løyver soknerådet kr. 50.000,- frå fond frå gravfestemidlar. Resten av kostnaden vert å dekkja av investeringsbudsjettet.
5. Soknerådet ber om at status og framdrift vert rapportert til rådet undervegs i arbeidet.
6. Det skal leggjast fram eiga sak for soknerådet når dei ulike tiltaka er detaljprosjektert.

Sak 2024/13 Fullmakt til arbeidsutvalet

Noverande kyrkjeverje tok til i stillinga den 1. januar 2014. Frå hausten 2019 og fram til hausten 2023 hadde han permisjon i stillinga for å ivareta vervet som ordførar i Fitjar. I samband med tilsetjinga i 2014 vart det skriva eit tilsetjingsbrev, men ikkje noko fullstendig arbeidsavtale. Det bør no komma på plass. Løna til kyrkjeverja er alt fastsett av soknerådet, men i ein arbeidsavtale er det ei rekkje andre forhold som må med. Det finst gode standardavtalar som det er råd å tilpassa til våre lokale forhold. Soknerådet sitt arbeidsutval ynskjer no å få fullmakt til å inngå arbeidsavtale med kyrkjeverja. For andre stillingar i Fitjar sokn er det kyrkjeverja som har ansvar for å inngå arbeidsavtalar.

Framlegg til vedtak:

Soknerådet gjev arbeidsutvalet, som i dette tilfellet er leiar, nestleiar og sokneprest, fullmakt til å inngå arbeidsavtale med kyrkjeverja.

Sak 2024/14 Meldingar / open post

Under meldingar og open post vil det verta lagt fram munnleg informasjon om m.a. desse sakene:

- a) Anne Marie Røed fortel om deltaking på kurs for fellesrådsmedlemar
- b) Soknepresten fortel frå stiftsdagane i Bergen
- c) Kyrkjeverja orienterer om misjonsprosjektet i Mali som kyrkjelyden støttar
- d) Kyrkjeverja orienterer om studiestøtte til kyrkjelydspedagogen

Sak 2024/15 Fitjar kyrkje si markering av kristenretten

Dette året- 2024- er det tusen år sidan kristenretten vart stadfesta på Moster. Gjennom jubileumsåret er det planlagt fleire store markeringar. Det er etablert ein eigen organisasjon for planlegging og gjennomføring av jubileet. Moster 2024 har ei eiga heimeside med mykje god informasjon om den historiske hendinga og aktivitetane i jubileumsåret. Mykje god informasjon er å finna på heimsida www.moster2024.no. Hovudmarkeringa kjem til å finn stad på Moster i tida 29. mai – 2. juni. Sondag 2. juni skal det vera stor jubileumsgudsteneste i Moster Amfi. Gudstenesta skal sendast direkte på NRK TV.

Fitjarbygda har ein viktig plass i historia om kristninga av Noreg. Håkon den Gode var ein av dei tre som vert rekna som kristningskongane her i landet. Me kjenner alle til det som knyter Håkon til oss her i Fitjar.

Foreininga Håkon den Gode-Fitjar arbeider med å setja opp eit heilt nytt teaterstykke om Håkon sitt liv og virke. Dette skal skje i månadskifte august/september og vil skapa mykje liv i bygda. I tillegg til dette er det planlagt Fitjarfestival helga 21. – 23. juni. Fitjar kyrkje er tett på livet i bygda og soknerådet bør bidra til at kyrkja og engasjerer seg i desse hendingane.

I tidlegare soknerådsmøte har det vore lufta ein ide om ha ha ei lokal markering av kristningsretten her på Fitjar, og at dette kan vera på same tid som gudstenesta i Moster Amfi. Då kan me truleg oppnå at mange Fitjarbuar kan ta aktivt del i feiringa. Fitjar kultur- og idrettsbygg er halde av til kyrkja denne dagen. Ei lokal markering av jubileet i kulturhuset kan bli ein stor fest som t.d. kan innehalda overføring av gudstenesta i Moster Amfi på storskjerm, grilling eller anna matservering etter gudstenesta og aktivitetar for alle generasjonane i og rundt kulturhuset.

Dersom kyrkja skal få til noko slikt, må ein hovudkomite komme i gang med planlegginga så snart som råd. Ein slik komite kan og sjå på om kyrkja bør planleggja arrangement og aktivitetar i samband med Fitjarfestivalen i juni og «Håkonarstemnet» i månadskifte august/september. Det vil truleg vera nyttig om hovudkomiteen knyter til seg arbeidsgrupper som kan hjelpa til med ulike oppgåver samband med førebuing og gjennomføring av arrangementa.

Framlegg til vedtak:

Soknerådet ynskjer at kyrkja skal engasjera seg i 1000-årsmarkeringa for kristenretten, og gjerne i samband med andre store hendingar som skjer i Fitjar gjennom året 2024. Til å arbeida vidare med dette oppnemner soknerådet ein hovudkomite for planlegging og gjennomføring. Desse vert med i komiteen:

- ✓ -----
- ✓ -----
- ✓ -----
- ✓ -----
- ✓ -----

Komiteen konstituerer seg sjølv, eller N.N. vert vald til leiar i komiteen